



Nama : _____

Tarikh : _____

Baca petikan dan grafik yang disertakan di bawah ini, kemudian buat satu **rumusan** yang panjangnya **tidak melebihi 120 patah perkataan**. Anda digalakkan supaya menggunakan ayat anda sendiri tanpa mengubah maksud asal dalam petikan dan bahan.

Bahan 1


Mungkin kebanyakan remaja menganggap bahawa pengurusan kewangan merupakan perkara yang remeh dan tidak perlu dimasukkan dalam nota penting perancangan masa depan mereka. Secara umumnya, sebilangan besar remaja di Malaysia gagal mengurus kewangan mereka. Hal ini dikatakan demikian kerana mereka lebih cenderung menggunakan sumber kewangan yang diperoleh ke arah perkara yang berbentuk kepuasan diri melebihi aspek kemampuan kewangan mereka sehingga ada yang telah diisytiharkan muflis oleh mahkamah. Berdasarkan laporan Jabatan Insolvency Malaysia, golongan remaja dikatakan suka untuk meniru gaya kehidupan orang lain seperti selebriti dan ikon terkenal yang mempunyai daya tarikan serta menjadi penyebab utama remaja mengalami masalah pengurusan kewangan. Di samping itu, sikap tamak untuk menjadi kaya dengan kadar segera membuatkan mereka meminjam wang untuk dilaburkan dalam sindiket skim cepat kaya tanpa memikirkan kesan yang akan dihadapi oleh mereka.

Statistik daripada Jabatan Insolvency Malaysia berkaitan dengan pembabitan remaja dalam pinjaman kewangan untuk tujuan memenuhi kehendak peribadi seperti kemewahan hidup menunjukkan bahawa mereka memerlukan bimbingan dan pengetahuan yang baik tentang aspek pengurusan kewangan. Setiap remaja seharusnya didedahkan sejak bangku persekolahan tentang perbezaan antara konsep keperluan dengan kehendak dalam pengurusan kewangan bagi mengelakkan mereka terjerumus dalam pengurusan kewangan yang tidak teratur. Begitu juga dengan peranan ibu bapa dalam aspek pengurusan kewangan anak-anak. Mereka perlu mendidik anak-anak dengan baiknya agar dapat memastikan sumber kewangan yang disalurkan dapat digunakan dengan sebaik-baiknya. Bagi remaja yang telah mampu menjanakan pendapatan sendiri, mereka bertanggungjawab sepenuhnya dalam aspek pengurusan kewangan mereka.

Pada usia yang masih muda, pengurusan kewangan yang teratur adalah sangat penting kerana perkara ini merupakan sebahagian daripada perkara yang menentukan kesihatan dan kesejahteraan kehidupan masa akan datang. Kepentingannya adalah sama seperti cara seseorang mengurus kesihatan mental, fizikal, dan hubungan sosial mereka. Semua perkara yang bersifat dalaman ini akan memberikan pengaruh yang besar terhadap remaja semasa mereka mengambil keputusan untuk memperoleh sumber dan membelanjakan sumber kewangan tersebut. Impaknya, remaja dapat berfikir dengan warasnya semasa meletakkan aspek penampilan diri yang berlebihan kerana perlu memperuntukkan wang yang banyak bagi memenuhi keperluan mereka. Oleh hal yang demikian, setiap remaja perlu sentiasa ditekankan tentang pengurusan kewangan yang baik agar mereka dapat merancang kehidupan yang lebih bahagia semasa tua kerana sedikit-sedikit, lama-lama menjadi bukit.

Bahan 2

KEGAGALAN PENGURUSAN KEWANGAN RAKYAT MALAYSIA



Tulis F1 dan F2

F1 : _____

F2 : _____



Nama : _____

Tarikh : _____

Bagaimana Hendak Mulakan?

1. Baca soalan dengan telitinya.
2. Fahami rumusan yang perlu anda tulis, iaitu tentang:

Apa (Fokus 1 - F1)? 2 isi dalam bahan 1

1 isi dalam bahan 2

Apa (Fokus 2 - F2)? 5 isi dalam bahan 1

** Apa (Fokus 3 - F3)? 1 isi dalam bahan 3 (jika ada bahan 3)

jumlah 8 isi

Pendahuluan = 2m

Isi = 16m

Penutup = 2m

* Sekurang-kurangnya **satu isi** terdapat dalam setiap bahan dan menyentuh setiap fokus.

3. Baca soalan, kemudian cari dan garisi kunci isi jawapan dalam petikan.



Format pendahuluan : F1+F2 / F1+F2+F3

Pendahuluan
Rumusan membincangkan _____

Fokus 1
Bahan 2

Ingat! Kesimpulan hanya **SATU** ayat!

Format Kesimpulan : Kesimpulannya + Cadangan + Tema + Kesan



Kesimpulan { Cadangan dan Harapan }
Kesimpulannya, _____

